



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MDLX. ad annum MDCXXIII.

Parisiis, 1644

Sixti papæ V. vita.

urn:nbn:de:hbz:466:1-15522

VITA
SIXTI PAPÆ V.

ANNO
CHRISTI
1585.

SIXTUS obscuris parentibus apud opidum montis Alti in marchionatu Anconitano natus, & Felicis nomine vocatus; adolescens ad institutum Franciscanorum, quos Conuentuales vocant, transit. Cumque in ordine eos fecisset progressus, ut egregiam eruditionem cum singulari eloquentia compararet, magistralique laurea decoraretur, ex vicario generali ordinis sui, ex cardinale episcopo sanctæ Agathæ, in demortui Gregorii locum 24. Aprilis anno 1585. pontifex successus Kalendis Maii solenniter coronatus fuit. Ut vero pontificis partes feliciter sustineret, indicto vniuersali iubileo diuinam opem implo-
rauit. Iaponiæ principes magnifico & regio apparatu, quamdiu Romæ morati sunt, fouit, & amplis congiariis honoratos dimisit. Cumque initio pontificatus sui Italia nefariorum prædonum, exulumque incursionibus misere vexaretur, usque adeo feuerum, imo vero terribilem & tremendum se præbuit animaduersorem, ut postmodum magna quiete & libertate, nedum Roma, verum etiam Italia frueretur. Urbem ædificiis exornando omnes antecessores suos longo interuallo post se reliquit. Tria palatia ædificauit, vnum in Vineæ, alterum ad Montem caballum, tertium in Laterano. Obeliscum altitudinis 114. palmarum ultra basin, antiquæ superstitionis monumentum, a Vaticano in mediam sancti Petri aream translatum Christo dedicauit, aliosque vetustate sepultos, alterum apud sanctam Mariam Maiorem, alterum ad Lateranum, tandem iuxta sanctam Mariam De populo erexit. Sacellum egregia architectura extruxit, ad quod Saluatoris nostri præsepe transtulit. Xenodochium seu hospitale ædificatum & perpetuo censu dotatum pauperibus alendis nuncupauit. Bibliothecam Vaticanam in splendidiorem, commodioremque locum transtulit, eamque mirifice auxit & illustrauit. Ecclesiam sancti Hieronymi Illyricæ nationi construxit. Aquam Felicem seu fontem in Quirinali deduxit, & varios alios fontes publicæ com-

Sixtus
quando
pontifex?

Acta Sixti.

Ædificia
Sixti.

moditati direxit. Lauacrum ex aqua Felici prope viam Piam muris cinctum mulierculis pauperibus ædificauit. Vias nouas amplissimas aperuit & complanauit. In Laterano locum diuersis picturis concinnatum ad populo benedicendum destinauit. Scalam sanctam preciofo salutarique Christi sanguine conspersam in nobiliorem locum transtulit, ac præclaris ornamentis ad excitandam pietatem insigniuit. Ædem sanctæ Sabinae sacram reparauit. Tholum quem vulgo cupulam vocant, incredibili sumptu perfecit. Vrbi tam multa præstitit, vt eam non exornasse modo, sed etiam renouasse merito censeatur. Montem Altum muris vndique septum ciuitatis honore & episcopali dignitate donauit. Lauretum toto terrarum orbe celeberrimum in ciuitatem episcopalem, & ecclesiam cathedralem erexit. Super verticem columnæ Traianæ, teste Baronio, præclarissimum Christianæ religionis monumentum, principis apostolorum Petri ingentem æneam magna impensa, studioque conflata statuam, inauratamque sacris ritibus solenniter collocauit. Pronepotes suos nobilissimis Columnensium & Vrsinorum familiis matrimonii fœdere coniunxit. Ac tametsi in omnibus supradictis incredibilem auri vim insumpserit, tamen expeditioni terræ sanctæ, quam meditabatur, tantas opes congeffit, vt summa quinque myriadam auri in publicum ærarium illata sit. Decreuit ne plures quam septuaginta simul essent cardinales, atque inter illos ad minimum quatuor theologiæ doctores, qui ex ordinibus regularium Mendicantium assumerentur: & quod non alio quam ieiuniorum mensis Decembris tempore crearentur. Cardinales diuersis temporibus triginta tres creauit. Sanctum Bonauenturam, doctorem ecclesiæ nominari, eiusque festum sub officio duplici celebrari mandauit. Varia sanctorum festa in Kalendarium retulit. Græcam septuaginta duorum Interpretum editionem pene antiquatam, eandemque Latine redditam, magno cum labore Antonii Carafæ sanctæ Romanæ ecclesiæ cardinalis bibliothecarii emendatam, ac perpolitam merito comprobauit, affixoque in fronte eius sacro diplomate magnopere laudauit. Inopinato morbo correptus, adempta statim loquela, e vita excessit 27. Augusti, anno 1590.

Decreta.

Obitus.

VRBANI PAPÆ VII. VITA. 773

Sepultus est apud sanctum Petrum, cum annos quinque, menses quatuor, dies tres pontificatum tenuisset. Vacauit sedes dies 18.



ANNO
CHRISTI
1590.

VITA

VRBANI PAPÆ VII.

VRBANVS septimus, Ioannes Baptista Castaneus ante pontificatum nominatus, Romæ patre Cosmo Genuesi natus; in Hispania nuntii apostolici munere magna cum laude perfunctus, a Gregorio XIII. cardinalis sancti Marcelli creatus, & ad Bononiensem legationem destinatus; Sixto tandem in pontificatu successit xv. Septembris, anno Domini 1590. tempore Rodulphi II. imperatoris. Natura fuit mansuetus, vitæ inculpatæ, & morum sanctimonia clarus: complexione tamen melancholica, & ad morbum inclinante. Pontificatum ultra ii. dies non protraxit. Post eius obitum sedes apostolica duos menses & nouem dies vacauit.

Vrbanus
qualis?

Tempus
sedis.



ANNO
CHRISTI
1590.

VITA

GREGORII PAPÆ XIV.

GREGORIVS XIV. Franciscum Sfondratum senatorem Mediolanensem patrem habuit, & Nicolai nomen in sacro fonte consecutus est. Optimarum disciplinarum & iurisprudentiæ studio Perusii & Parauii non poenitentiam operam dedit. A Pio IV. episcopus Cremonensis, & a Gregorio XIII. cardinalis creatus, ac tandem Urbano ad felicioram vitam translato, post duorum & amplius mensium interregnum 5. Decembris, anno 1590. tempore Rodulphi II. imperatoris ad pontificatus fastigium pertigit. In grati animi & obseruantia in Gregorium XIII. significationem, Gregorius voluit appellari. Eius pontificatus ad 15. Octobris anni sequentis, dumtaxat per menses decem & dies totidem, fuit continuatus. Quo factum est, vt optima quæque consilia, quæ animo conceperat, & quorum expectatione multos sustentabat, exequi non va-

Gregorius
qualis?

Quando
pontifex
factus?

Tempus
sedis.